



Niadtong

Marso 17, 1842,

pipila lang ka mga minutos human nahimo siyang presidente sa bag-ong Female Relief Society sa Nauvoo, si Emma Smith namulong kabahin sa katuyoan niana nga kapunong-an. “Sa pagpangita ug paghupay sa mga nagsubo,” miingon siya. Sa “pagpangambisyon sa pagbuhat og maayo” ug “pagsiguro nga ang moral nga mga sumbanaan gisunod.”¹

*“Ang Society dili lamang aron sa paghupay sa kabus, apan sa pagluwas og mga kalag.”²
—Joseph Smith*



Ang Pagbu-bu sa Espiritu

Namulong uban sa kalumo ug gahum atol niining ika-175 nga anibersaryo sa Relief Society, ang Kinatibuk-ang Kapangulohan mipakigbahin sa ilang mga pagbati, panabut, ug pagpamatuod ngari kanato isip mga sister sa Relief Society.

*G*ihigugma namo ang mga sister sa tibuok Simbahan,” miingon si Linda K. Burton, Kinatibuk-ang Presidente sa Relief Society, namulong alang sa iyang kaugalingon ug sa iyang mga magtatambag—Carole M. Stephens, Unang Magtatambag, ug Linda S. Reeves, Ikaduhang Magtatambag. “Unsa pa may atong gusto kay sa pagtabang sa usag usa diha sa dalan sa pakigsaad padulong sa kinabuhing dayon? Ang Dios mipadayag sa Iyang katuyoan diha sa Moises 1:39: ‘Kay tan-awa, mao kini ang akong buhat ug ang akong himaya—ang pagpahinabo sa pagka-imortal ug sa kinabuhi nga dayon sa tawo.’ Sa Relief Society nagtabang kita sa kababayan-an alang sa mga panalangin sa kinabuhing dayon. Gibuhat nato kini pinaagi sa pagpalambo sa pagtuo diha sa Langitnong Amahan ug kang Jesukristo ug sa Iyang Pag-ula, paglig-on sa mga indibidwal, mga pamilya, ug mga panimalay pinaagi sa mga ordinansa ug mga pakigsaad, ug pagtrabaho nga maghiusa aron matabangan kadtong nanginahanglan.”³

“Samtang mohinumdom ug mosunod kita sa katuyoan sa Relief Society, kita isip mga babaye nga Santos sa Ulahing mga Adlaw mahimong ‘talagsaon ug lahi—sa malipayong mga paagi,’⁴ nga adunay dakong impluwensya sa kaayo sa tibuok kalibutan. *Mao kana ang atong gusto alang sa atong mga sister sa Relief Society.*”

Dinhi, sa usa ka interbyu sa staff sa mga magasin sa Simbahan, ang mga sakop sa Kinatibuk-ang Kapangulohan sa Relief Society nagtubag sa mga pangutana nga mahinungdanon karon ug nagpakigbahin sa ilang panglantaw alang sa umaabut.

